

coloris summississimique qui Galliarum die pauculas uncias
uenderet, p^{rae}clusit cunctos negotiatores. quin etiam inter
canendum animaduersam matronam in spectaculis uetita
purpura cultam demonstrasse procuratoribus suis dicitur
detractamque ilico non ueste modo sed et bonis exuit. ^{4.} nulli
delegauit officium ut non adiceret, 'scis quid mihi opus sit'
et 'hoc agamus, ne quis quicquam habeat'. ultimo templis
compluribus dona detraxit simulacraque ex auro uel argento
fabricata conflauit, in iis Penatium deorum, quae mox Galba
restituit.

- 33 Parricidia et caedes a Claudio exorsus est, cuius necis etsi non
auctor at conscius fuit neque dissimulanter, ut qui boletos, in
quo cibi genere uenenum is acceperat, quasi deorum cibum
posthac prouerbio Graeco conlaudare sit solitus. certe omnibus
rerum uerborumque contumeliis mortuum insectatus est,
modo stultitiae modo saeuitiae arguens. nam et morari eum
desisse inter homines producta prima syllaba iocabatur
multaque decreta et constituta ut insipientis atque deliri pro
irritis habuit, denique bustum eius consaepiri nisi humili
leuique maceria neglexit.

32 §3 p^{rae}clusit ... negotiatores: *Oros.* 7. 7. 8 33 §1 parricidia et caedes:
Eutrop. 7. 14. 3, *Oros.* 7. 7. 9 a Claudio ... conscius fuit: cf. *Cl.* 44. 2-3 quasi
deorum ... solitus: *Cass. D.* 60. 35. 4 nam et morari ... iocabatur: cf. *Sen. Apoc.* 7.
3, 8. 3

2 quae] quas Bent. ciuitates post in certaminibus coll. β 6 animaduersam]
-sum α₂ 11 compluribus] -ris α₁, 12 iis Mβ₁: ius α₂, his Gβ₂,
20 desisse om. G, post homines coll. β 21 atque] et Gζ 22 consaepiri]
-sepeliri β, ut uid. (-lim R), consepire Bent. 23 maceria *Gutherius* 1671, 377
(Reinesius ap. Müller 1804, 22) : materia ω